



## LATIHAN SIMULASI MYPEC

### JABATAN PELESENAN DEWAN BANDARAN MyPEC

#### SYARAT-SYARAT TAMBAHAN PELESENAN – DISKO / DANGDUT

Pelesen/ Pengusaha dikehendaki mematuhi syarat-syarat berikut:

1. **FEE LESEN UNTUK MEMBUKA TEMPAT HIBURAN**
  - 1.1. **Premis – Dewan Tarian / Disko**

		<b><u>RM Setahun</u></b>
1.1.1	Luas lantai tidak melebihi 30 m.p.	400.00
1.1.2	Luas lantai melebihi 30 m.p. tetapi tidak melebihi 60 m.p.	600.00
1.1.3	Luas lantai melebihi 60 m.p. tetapi tidak melebihi 90 m.p.	900.00
1.1.4	Luas lantai melebihi 90 m.p.	1,200.00
  - 1.2 **Hiburan**

1.2.1	Muzik dan Nyanyian	RM 4.00 sehari sehingga 12 malam
	Tambahan	RM 4.00 sehari selepas 12 malam
1.2.2	Tarian	RM 4.00 sehari sehingga 12 malam
	Tambahan	RM 10.00 selepas 12 malam
2. **WANG CAGARAN**

Pelesen / pengusaha hendaklah membayar wang cagaran sebelum menjalankan apa-apa aktiviti hiburan di premis ini.

  - Kadar minimum 143 m.p. pertama RM 10,000.00 dan setiap m.p. tambahan / sebahagian daripadanya RM 20.00
3. **MEMPAMERKAN LESEN**

Lesen hendaklah dipamerkan di premis pada setiap masa.
4. **KEBERSIHAN**

Premis dan kawasan persekitaran di premis tersebut pada setiap masa.
5. **KAWALAN BUNYI BISING**

Premis hendaklah dilengkapi dengan peralatan-peralatan tahan bunyi (Sound-proof). Bunyi bising daripada aktiviti muzik dan sebagainya hendaklah dikawal supaya paras bunyi tidak melebihi 5 dBA daripada paras latar belakang sekitar premis tersebut pada waktu malam.
6. **KESELAMATAN**

Pengusaha hendaklah memastikan aspek-aspek keselamatan dipatuhi pada setiap masa dan peralatan-peralatan bomba mencukupi. Pintu masuk dan keluar hendaklah sentiasa tidak berkunci.

Peralatan dan keperluan bagi system pengudaraan premis hendaklah diadakan juga.

**7. HALANGAN**

Ruang tangga, lorong atau pintu masuk atau keluar hendaklah sentiasa bebas daripada sebarang halangan.

**8. HAD UMUR**

Orang-orang yang berumur di bawah 18 tahun tidak dibenarkan masuk atau berada dalam premis hiburan ini semasa perniagaan dijalankan.

Adalah menjadi tanggungjawab pelesen / pengusaha memastikan pengunjung-pengunjung di bawah umur 18 tahun tidak dibenarkan masuk ke dalam premis masing-masing.

**9. WAKTU PERNIAGAAN**

Waktu perniagaan – seperti yang tercatat pada Lesen Hiburan.

Satu papan kenyataan yang berkaitan dengan 8 & 9 hendaklah dipasang/pamer di depan pintu masuk untuk makluman orang ramai. Kenyataan hendaklah dibuat dalam Bahasa Malaysia dan Bahasa Inggeris.

**10. PAPAN TANDA / IKLAN**

- 10.1 Setiap pemasangan iklan / papan tanda hendaklah mendapat lesen terlebih dahulu.
- 10.2 Gambar/ poster lucu dan mengghairahkan tidak dibenarkan ditampal di dinding-dinding premis (Luar dan dalam premis)/
- 10.3 Papan iklan yang tidak berkaitan tidak dibenarkan dipasang.

**11. PEGAWAI PERHUBUNGAN PELANGGAN**

- 11.1 Semua Pegawai Perhubungan Pelanggan (GRO) hendaklah berdaftar dengan Dewan Bandaran MyPEC.  
Pendaftaran hendaklah dibuat setiap tahun, atau apabila terdapat perubahan senarai nama GRO.
- 11.2 Pakaian GRO hendaklah sopan. Pakaian yang mengghairahkan atau kelihatan lucu tidak dibenarkan.

**12. PERTUNJUKAN HIBURAN**

- 12.1 Hanya artis-artis yang berdaftar sahaja dibenarkan mengadakan pertunjukan hiburan dan sebarang aktiviti hiburan hendaklah mendapat kelulusan terlebih dahulu.
- 12.2 Artis-artis tidak dibenarkan berpakaian separuh bogel (semi-nude), 'topless' atau jarang hingga menampakkan tubuh badan atau memakai coli dan seluar dalam sahaja atau lain-lain jenis yang difikirkan tidak sesuai.
- 12.3 Artis-artis tidak boleh menari, melakukan gerak-geri atau menyanyikan lagu yang berunsur lucu.

**13. MEMPAMERKAN HARGA MAKANAN/ MINUMAN**

Senarai harga makanan, minuman hendaklah dinyatakan dengan jelas di papan tanda atau bentuk 'menu' untuk makluman pengunjung-pengunjung.

**14. MINUMAN KERAS**

- 14.1 Sebarang jualan / hidangan minuman keras atau apa-apa minuman yang memabukkan hendaklah mendapat lesen minuman keras terlebih dahulu.
- 14.2 Masa jualan / hidangan minuman keras hendaklah tertakluk kepada masa jualan seperti tercatat pada lesen minuman keras.
- 14.3 Minuman keras tidak boleh dijual atau dihidangkan kepada pengunjung-pengunjung di bawah 18 tahun.

**15. MUATAN PENGUNJUNG (CAPACITY)**

Pihak pengurusan hendaklah menggunakan budibicara dalam memastikan keselesaan pihak pengunjung supaya tidak terlalu padat, dengan menghadkan bilangan pengunjung yang masuk serta meletakkan satu papan tanda notis menyatakan 'PENUH' di hadapan pintu masuk, sekiranya premis telah penuh.

**16. PENGGUNAAN / PENGEDARAN DADAH**

Pelesen / Pengusaha hendaklah memastikan tiada apa-apa dadah atau pil-pil yang diharamkan digunakan atau diedarkan di premis masing-masing. Adalah menjadi tanggungjawab pelesen/ pengusaha untuk menentukan premis mereka bebas dari dadah/ pil tersebut.

**17. AKTIVITI MAKSIAT / LUCAH**

Pelesen / pengusaha hendaklah memastikan tiada aktiviti maksiat atau lucah yang melibatkan pengunjung atau pekerja/ artis dijalankan di premis masing-masing. Menjadi tanggungjawab pelesen / pengusaha untuk menegahkan aktiviti-aktiviti sebegini.

**18. LAIN-LAIN SYARAT**

Sesiapa yang berumur di bawah 18 tahun tidak dibenarkan bekerja di premis disko.

**PERINGATAN**

Sekiranya pelesen / pengusaha gagal mematuhi syarat-syarat seperti di atas, tindakan penguatkuasaan boleh diambil termasuk merampas wang cagaran di bawah Undang-undang Kecil Establisymen Makanan (WPKL) 1985, Akta Hiburan (WPKL) 1992, Kaedah-kaedah Hiburan (WPKL) 1993, Akta Duti Hiburan 1953 dan Undang-undang Kecil Iklan (WP) 1982 dan Pindaan-Pindaanya.

**Jabatan Pelesenan  
Dewan Bandaran MyPEC**

Tingkat 22 Menara Safuan,  
No. 80 Jalan Ampang,  
50450 Kuala Lumpur.  
No. Tel: 03-20723802  
No. Faks: 03-20723804